



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### არფალიქი

არფალიქი (თურქ. arpa - ქერი, arpalik - ქერისა), ფეოდალური მიწათმფლობელობის ფორმა შეა საუკ. ოსმალეთში, თავდაპირველად ა. ენოდებოდა მიწას, რ-იც ცხენის საკვების მოსაყვანად დამატებით ეძლეოდა საკარგავით შეწყალებულ მხედარს \_ სიფაპის, შემდეგ აღნიშნავდა ოსმ. ცენტრ. ადმ. და კარის მოხელეების, მაღალი და საშ. რანგის სას. პირებისა და სახელმწ. მესაზღვრე ციხისთავებისათვის ნაბოძებ მიწას ან ფულად სარჩოს. ა-ის შესატყვისი უნდა იყოს შინაარსობრივად ქართ. წყაროებში დაცული სიტყვა „სარჩო“. მაგ., ბერი ეგნატაშვილის „ახალ ქართლის ცხოვრებაში“ ნათქვამია: „და მაშინ გაუგზავნა ბატონმა თეიმურაზ ხონთქარსა კაცი, შეეხვენნა და სთხოვა სარჩო, ხონთქარმა სხვა ვეღარა გააწყო რა და მისცა გონიასა ახალციხესა და გარეშემო მისსა მამული სარჩოდ“.

ლიტ.: შ ე ნ გ ე ლ ი ა ნ., XV – XIX სს. საქართველოს ისტორიის ოსმალური წყაროები, თბ., 1974.

**3. ჩოჩიევი**

---